

百名家詞鈔

名家詞鈔目錄

廬陵 聶先 晉人

纂定

長水 曾王孫 道扶

南礪詞

桐城 何 采 省齋

貂裘換酒 三調 海棠春

滿江紅 三調 踏莎行

沁園春 行香子

摘得新 二調 採桑子

木蘭花慢

蝶戀花

高山流水

風中柳

鵲踏花翻

醉春風

望江南

四調

水調歌頭

三調

山花子

風流子

二調

漁家傲

臨江仙

虞美人

無愁可解

水龍吟

八聲甘州

佳人醉

明月棹孤舟

醉落魄

雨中花

西江月

燕歸梁

摘紅英

隔簾聽

鳳凰臺上憶吹簫

南礪詞

桐城 何 采 省齋

貂裘換酒 送唐濟武渡錢塘

僕本悲秋者。少年時安仁紅淚。白頭重灑。越嶠狂游  
逢唐介。載得滿船書畫。杯泛處。沉憂聊瀉。三十三年  
談遺事。似檀槽撥出開元話。留我輩。舊聲價。與君  
神武冠同挂。儘紛紛四豪賓客。五陵衣馬。擔簦乘車  
臨岐路。漫說相逢當下。且掉臂林間共把。欲寄雙魚  
憑潮信。有千鈞強弩。休輕射君去矣。我歸也。

前調 答張毅文

天子門生者，羨香名得邀。宸翰屏風清灑，僕在

先朝曾供奉。舊識瀛洲圖畫，今喜得詞源新瀉。吏部

文章埋黃土。

毅文爲同年  
鞠存考功子

有蘭臺續史增佳話。鳳池

客，雞林價。

野夫牛角無書挂，愧行行智聰神駿問。

塗老馬，一代國門名山業。不比梁園稷下，南董筆君

其牢把金鑑千秋君家事。莫只誇祿閣藜光射。無可

贈，贈言也。

前調

聞雨追悼清河君

秋雨多情者。卻從人耳邊心上。蕭蕭齊灑。一片吳山  
烟中樹。攢簇眉峰難画。聽入夜銀河如瀉。亂滴啼螿  
衝哀雁。似擣砧拋織。淒涼話。愁欲買。幾多價。布帆  
數向西湖挂。每丁寧秦樓壓酒。蘇堤繫馬。昔日戲言  
今朝淚。和雨一時同下。龍鍾袂有誰重把。無焰殘燈  
幢幢影。更溼雲暗度。酸風射。苟奉倩。神傷也。

海棠春

題画山喜鵲栖海棠

提提似欲歸飛起。却道是鶯斯并彼。紅豆淺開脂碧  
玉深拖尾。眼前鳥語。和花氣。應只有閒情。管理画

得一園春。喚出三山喜。

滿江紅

同杜湄村方邵村飲李氏園亭聽歌觀瀑

江左風流。送我到晚涼池閣。恰正是鸚哥低叫。海棠微落。瀑滿軒窗。山滿牖。月生屏幃。香生幕算。四時佳處。在清秋。忙尋樂。疏水石。專丘壑。洗箏笛。精絃索。羨紅牙碧串。谷兒菱角。高興忽因良友發。中年恒恐兒曹覺。吐狂言一笑。紫雲迴。渾忘却。

前調

九日雨中飲許穎長亭子

採菊東籬。應喚作淵明佳節。絕勝似燈船簫鼓。星橋



花月一瓮老春歌白苧。滿庭小雨翻黃葉。儘今朝仔細看茱萸。明年說知誰健。愁須撥用我法。情偏愜。况霜螯盈把。露蟬低咽。舊識漸稀。詩酒伴。新銜重補。漁樵闕。更休教落帽。晚風前。羞華髮。

前調 送吳介茲遊汝南

季重風流。是吾友中丞揖客。笑我輩酒驅詩使。眼隨頭白。武子亡時。孫楚慟。孟嘗死後。馮驩別。聽一聲杜宇。叫清明。鞭梢月。黃金盡。交難結。青山改。交難絕。看鬚髯似戟。肝腸如鐵。王粲樓前楊柳雨。袁安宅畔。

梨○花○雪○問○梁○園○賦○手○有○人○無○歸○來○說○

踏莎行

爲周櫟園題秋林驅衛圖

遠○岫○如○雲○疎○林○似○薺○青○驢○不○羨○青○驄○轡○除○却○邯○鄲○與○  
灞○陵○要○尋○一○箇○無○愁○地○何○地○無○山○是○山○皆○地○看○來○  
只○少○閒○人○計○身○閒○端○不○比○心○閑○閑○心○更○在○秋○原○繫○

沁園春

送顧云美還虎丘增影園

望○岫○亭○前○熱○客○全○疎○俗○士○請○迴○似○桃○源○面○面○都○無○人○  
問○蓬○門○寂○寂○始○爲○君○閒○月○下○扶○藜○雨○中○着○屐○花○底○相○  
過○日○幾○迴○爭○猜○道○道○彼○翁○癡○絕○此○老○狂○哉○偶○然○歸○

去蘇臺。莫漫學江南。庾信哀。幸眼明身健。歡多累少。  
園浮塔影。山倚城隈。虎阜稍停。烏衣重到。笑指白鬚。  
門外來。相期處在南村弱柳東。閣新梅。

行香子

題邵村爲梁公子画嘉莊農隱圖并和其詞

山色溪光。鬱鬱蒼蒼。画田家一幅儲王。稻風吹綠。麥  
浪翻黃。添幾株楊。幾竿竹。幾頭桑。阡陌陂塘。雞犬  
牛羊。似桃源引入漁郎。浮雲富貴。流水行藏。是衛公  
園。謝公墅。晉公莊。

摘得新

小圃種蔬二調

老圃家。青蔬間綠芽。劉郎何必去看桃花。兔葵燕麥。  
東風裏儘繁華。

前調

浪得名。瓜丘稱邵平。何如蔬圃裏。老雲卿。魏公不了。  
當時事也休評。

採桑子

題画

東風吹遍青無數。花意嫣然。松意翛然。襯出朝烟與  
暮烟。人家住在幽篁裏。山到窓前。水到門前。不是  
樊川卽輞川。

木蘭花慢

瀨上作

長干逢小艇。乘興處。趁東風。只一領羊裘。一編蠹簡。  
一隻鳩筇。偶來投金瀨上。聽荒城破寺。打霜鐘。仲叔  
蕭條安邑。長卿慚愧臨邛。婆娑人影月明中。且閒  
數歸鴻。看熱客稀疏。老兵生硬。醉衲龍鍾。不禁忽然  
長笑。把輕身底事。作飛蓬。強酌官廚白酒。莫辜僧舍  
丹楓。

蝶戀花

月下看牡丹

葉葉枝枝偏冉冉。作意遲開。似把春光餞。天半玉臺

懸寶鑑。嫦娥粧罷。臙脂漲。好月好花休浪遣。白髮  
青樽。靚出紅深淺。魏紫姚黃。虛過眼。洛陽誰話錢惟  
演。

### 高山流水

河亭納涼同抑庵念劬

火晶照出火雲焦。看炎炎。袞袞勞揮汗。正滂沱。最憐  
熱客堪嘲。空留得。永晝清宵。容吾輩。消受風前細柳。  
雨後甘蕉。况扁舟短楫。一水逗雙橋。逍遙。追涼到  
河上。渾不異。聽濶觀濠。借勝侶。蔡襄逸興。于頔高標。  
滿斟酒醖。鬪詩瓢。各分曹。相與幕天席地。墮月橫杓。

任元規紅塵十丈。扇輕搖。

風中柳

吾亦爲之。雖是執鞭也好。不可求從吾所好。文人無  
賴。枉送窮乞巧。却惹得鬼憎人笑。千古窮愁。無過  
陶公杜老。只空留幾篇詩稿。四松五柳。勝十洲三島。  
餓神仙蠹魚難飽。

鵲踏花翻

人日病小愈東坡菴兼促和詞

春雪盈頭。春風刺骨。同君病裏相憐耳。年年此日題  
詩。偏是今年却逢人日。人如此。未能降得樂天魔。自

難送去昌黎鬼。眼底落。落。故人無幾。出門便到君  
家矣。只待簷外花開。橋邊水滿。瓮裏新篘美。一杯渡  
入醉鄉津。百壺灌下愁城壘。

醉春風

與兩弟兩兒夜酌

得笑須開口。得閒須聚首。眼前屈指富豪家。某某  
喚弟呼兒。青燈白話。可如吾否。無炭須燒簍。無着  
須剪韭。樽中謀婦不時需。有有最愛嬌孫。挽鬚掉  
舌。頻催乾酒。

望江南



江南好。海蜃駕山鰲。明角作花珠。作葉料絲名鈕紙。  
名包剔墨妬鮫綃。

前調

江南好。白兔共青麕。翠羽巧梳金絡索。錦鱗戲咬碧。  
玻瓈五百闔坊雞。

前韻

江南好。陣陣軟紅奔。白馬剪髭烏豹飾。蒼鷹鞢臂紫。  
貂溫芳草盡王孫。

前調

名  
江南好。蜀國搭秦樓。雞舌香吹鶯燕口。蝦鬚簾映鳳凰頭。蜂蝶亂春愁。

水調歌頭

獨酌和稼軒韻卽用起句

頭○白○齒○牙○缺○再○冉○已○成○翁○浮○雲○於○我○何○有○樂○亦○在○其○  
中○三○十○六○巖○生○長○四○十○九○年○游○戲○將○老○更○還○童○倘○欲○  
問○真○訣○莫○放○酒○杯○空○酌○三○盃○傾○兩○盞○勝○千○鍾○有○時○  
一○斗○一○石○天○地○也○鴻○濛○不○問○鵬○飛○鴟○徙○何○况○燕○來○雁○  
去○南○北○復○西○東○作○者○七○人○矣○獨○酌○與○誰○同○

前調

祝余曼翁六十卽和在祝原韻

歲月忽焉邁。荏苒竟忘天。非君記我生日。我漸不知年。我已不婚不宦。君乃獨清獨醒。易地則皆然。休作晨星歎。落落尚人間。靜如鷗。瘦如鶴。冷如蟬。笑看退筆如帚。破硯可如田。我以蹉跎當壽。君以安閒當富。何必計虧全。我正斂棋手。君莫聳詩肩。

前調

疊前韻寄祝曼翁七十

南礪主人白。珍重早秋天。澹心足下無恙。七十正今年。八十申公束帛。九十伏生授簡。寧若啓期然。帶索咏三樂。擺脫利名間。鬪飛蛾。嚇腐鼠。耀雌蟬。悠悠

雲外古鵲。白露響青田。世俗盡皆欲殺。造物每常相  
忌。垂老此身全。惟我與君耳。四海絕隨肩。

山花子 題画梅花和稼軒韻

看去春愁強自排。前花合被後花催。記取一枝留画  
裏。認真栽。二十四番風不管。縱教画裏也吹來。只  
画半開休画到。十分開。

風流子 客問

客來相問曰。公何故恁不合時宜。看酒色神仙粉紅  
花艷。功名將相瓠白糠。肥子何子。是貧還是病。如醉

復如癡。董項易強。陶腰難折。潘頭黑少。阮眼青稀。  
金門曾遊戲。人傳道磊磊落落襟期。直欲扞驅妖蜮。  
奏礫彭尸。似蘇公雅諢。京惇切齒。賈生痛哭。絳灌低  
眉。留得桂薑辣性。蒲柳衰姿。

前調 荅客問

蹶然而答曰。卿曹坐聽我舊詼諧。曾宮錦拂箋。鳳凰  
游去。岑牟搥鼓。鸚鵡題來。更堪訝陸雲方好笑。庾信  
忽生哀氣。壓竇田安。知程李心雄班馬。不數鄒枚。  
今將知非矣。蚩蚩地不是少壯情懷。却把五官收起。

八字推開向殘山。剩水烟霞淡處。鳬盟鹿友。鶴侶鷗  
儕。此外黃梁半枕。白墮三杯。

漁家傲

莫愁湖上作

高閣憑虛曾一醉。頓成三十三年事。場圃縱橫亭館  
廢。依稀記。斜陽落處清涼寺。回首可憐歌舞地。烟  
景却比霜髭悴。喚道莫愁愁莫寄。花濺淚。空傳南國  
佳人字。

臨江仙

咏芍藥花

供奉花牋妃子硯。三郎長笛親調。玻璃七寶酌葡萄。

盤○龍○飄○綠○炮○飛○燕○暈○紅○潮○  
士○與○女○兮○溱○與○洧○風○人○  
作○意○輕○佻○衰○顏○休○被○艷○容○嘲○玉○孟○新○白○髮○金○帶○舊○黃○  
腰○

虞美人

咏虞美人草

歡○呼○壁○上○悲○垓○下○一○似○花○間○謝○要○知○何○處○是○英○雄○博○  
得○美○人○心○死○楚○歌○中○馬○遷○不○記○虞○兮○死○芳○草○爲○青○  
史○傳○將○名○字○學○腰○身○誰○數○漢○宮○曾○舞○戚○夫○人○

無愁可解

生日和東坡韻

取○舍○萬○殊○俯○仰○一○世○看○來○沒○甚○滋○味○小○年○和○大○年○莫○

分別箇到底。若說人生行樂耳。行過底在那裏。剛算  
着。去日多。來日又去。留得也未。問有甚計留他。道  
你。把清閑。換將名利。名利雖則錯。豈必清閑便是。縱  
使清閑。獨屬你。也只在冷鑪之外。怎能使晦朔春秋  
盡忘。只三萬六千醉。

水龍吟 重陽前四日雨中聞雁

秋之爲氣悲哉。况聽邊雁悲無所。千巒峰外。萬重雲  
裏。數行遶度。滿地江湖。滿天兵甲。滿城風雨。惜半開  
黃菊。半凋白髮。你嘹唳。登高處。聞道衡陽歸路。六



軍中傳催箭羽聲。隨霜落影。搖波動。人將鼎汝。菰米  
漂零。荻花蕭瑟。似吟如訴。勸冥鴻。只向平沙淺水。與  
輕鷗侶。

八聲甘州

辛稼軒夜讀李廣傳作此詞爲山  
居之約余倚聲而和之蓋有感于

霸陵  
尉也

飲田間匹馬短衣歸。嗟哉故將軍。看衛青不敗。張騫  
且貴。王朔休詢。莫嗟封侯拜相。李蔡下中。人才氣。無  
雙者。命相偏屯。眼底崎嶇。峴嶴。昔藍田畏路。今在  
通津。縱驚弦裂石。猿臂屈難伸。故寧逢南山猛虎。遇

霸陵醉尉轉逡巡。何須說夜行不識識也應嗔。

佳人醉

贈楊生孺小星花燭

繫得五絲一結。綽約低垂纖手。正雨晴時候。蘭橈棹  
燭。桃葉依舊。醉倒溫柔鄉裏。勝醉鄉。千日中山酒。

停舟借問。邀笛步前。比將石臼。

生孺居中  
山石曰湖

一樣波光

否。儘消受櫻桃笑口。遮莫再添楊柳。

明月棹孤舟

用陳氏故事題贈集生

一室掃除如斗大。任車馬四方相過有轄頻投。無函  
不答。應似當年驚坐。百尺樓頭君且臥。莫輕把元

龍挫。感遇詩成。市中傳遍。豈待胡琴捶破。

醉落魄

端午

忽然大笑。世間只有天公巧。過來端午重來到。一曲  
秦淮。消幾箇年少。眼昏不耐榴花照。耳聾不耐笙  
歌鬧。身衰不耐丹砂療。老子平生。難與外人道。

雨中花

端午後一日抑庵雨中招飲

簇簇笙歌。桃葉渡。試問取王郎何處。這懶散。心情。豪  
華景物。只似秋將暮。世上幾人知酒趣。拚白髮樽  
前聽雨。喚叔夜攜琴。伯倫荷鍾。向醉鄉行去。

西江月

次邵村

誰把朱絃綠串。教成碧玉紅綃。算來九十日春朝。一日歌翻一調。且向旗亭行去。三人同醉松醪。要知若箇調偏高。只待雙鬟唱到。

燕歸梁

新燕掠水

烏衣巷口落花時。翠尾參差。似憐紅雨漾清池。重銜上。画樓窺。倦飛鳥亦知還矣。愛栖隱故追隨。曲江曾啄。暫來詩。教鷹隼莫相疑。

摘紅英

春歸前三日念劬招同抑庵小飲

春○空○老○人○空○老○。匆○匆○白○髮○憐○青○草○。來○何○處○歸○何○處○。纔○  
是○當○場○便○成○前○度○。春○殘○了○花○残○了○。不○如○現○在○幾○杯○  
好○。春○休○去○人○休○去○。逢○春○共○醉○暫○留○春○住○。

隔簾聽

閩促織

結○客○少○年○場○上○。看○振○莎○雞○羽○。蚩○蚩○分○隊○嚶○嚶○伍○。把○狐○  
白○裘○輸○鶴○文○綾○賭○。如○走○鶩○可○相○憐○。小○窓○織○女○愁○機○杼○  
秋○砧○萬○戶○。髣○髴○哀○征○戍○。陣○雲○邊○月○消○寒○露○。淒○涼○宋○  
玉○飄○零○杜○甫○。悲○哉○賦○低○垂○白○頭○吟○苦○。

鳳凰臺上憶吹簫

登鳳凰臺懷李太白鳳皇  
臺二詩

憑弔金陵鳳皇臺上。悠然鳳去臺空。問何年晉代。何  
地吳宮。太白彈絃置酒。延落景吹出東風。登臨處。長  
波寫盡萬古心胸。無庸漫呼豪士。且醉倒金罍。催  
聽歌鐘。嘆衣冠陳跡。花草迷踪。不見三山半落。青天  
外。二水分中。休惆悵。浮雲蔽日。愁日難窮。

湯潛庵

賦

曰。省齋先生。文章風雅。爲詞林領袖。遨

遊湖山。六橋烟樹。雙峰白雲。杖履幾遍。時同年  
不期而聚者六七八人。携酒登高。賦詩倡和。甚相  
得也。追憶昔時長安並轡。忽忽三十年事。少壯  
者今鬢髮種種矣。酒酣爲小詞數闋。蕭涼高逸。  
與稼軒放翁馳騁上下。濟武先生將南遊太末。  
余以使事告竣。亦且北歸。嘆我輩相聚之難。而  
後會之未可期也。不能不撫卷流連云。

余曼翁

懷

曰。省齋上相子孫。少年科第。視富貴如

浮雲閉戶讀書。孤行一意多怪少可。蓋嶽嵒歷落人也。酒邊花下。信筆填詞。非陸非辛。亦蘇亦柳。老子婆娑。暮年蕭瑟。惟我與爾有是夫。

王議將

謨

曰。先生爲東林君宗。遂初以來。端坐一

室。潛神契道。澹泊自如。今東林蔚然興起。道南倡率。舍先生其誰與歸。先生與潛庵湯宗伯。吾師邁人王方伯。同時登第。各以闡揚道化爲任。又皆於樂府擅場。豈吾道亦不外於紅牙檀板間耶。



名家詞鈔目錄

廬陵 聶先 晉人

長水 曾王孫 道扶

橫江詞

石城 徐惺 卽山

憶江南 二調  
浣溪沙 二調

卜算子  
好事近

賀聖朝  
滿宮花

雙錦瑟  
南歌子

南鄉子

一剪梅

憶帝京

風入松

二調

慶清朝慢

漢宮春

鬱金香

二調

高陽臺

石州慢

洞庭春色

二調

沁園春

橫江詞

石城 徐惺 卽山

憶江南 本事

江南好，最好是秦淮。  
燈舫三更吹玉笛，粧樓明月照吳娃。  
花下落金釵。

前調

江南好，其次憶清涼。  
虎踞高城黃葉下，龍眠古寺翠微香。  
目送楚江長。

浣溪沙 東園

日上魚兒浴淺池。打魚沽酒去應遲。薄陰天氣插秧時。  
鵬語暗藏嬌宛轉。柳香暗舞碧參差。晚烟吹漾上青絲。

前調 水閣

青壁虛窗爲月開。照殘孤影是生涯。空山歸鶴一聲哀。  
又是清鐘驚鳥起。白雲紅日帶烟來。百年休負小亭臺。

卜算子 北窗

樹上有啼鳥。樹下休彈雀。窗隙涼風自北來。獨自凭

虛閣。夢醒莫蹉跎。人事同蕭索。捨却東山一片雲。  
便采天台藥。

好事近 東軒初夏

嘯傲白雲低。四面亂峰圍壁。臺畔俯臨層巘。看大江  
烟積。衡門晝掩不須開。猿鶴同休息。向午撥開幽  
夢。是綠陰移日。

賀聖朝 聽雨

樓頭坐聽連宵雨。客思知何許。三更鐘響。二更燈影。  
五更禽語。詩朋酒伴。今餘幾。剩得愁心如縷。雲開

天霽柳深鴈唱還須採取。

滿宮花 催粧黃公

浴蘭湯搖團扇繡閣知時節。新紅乍整鏡臺粧。且把  
畫眉停歇。有情郎莫逢人說。任取花枝攀折。莫教  
粉黛減天真。是大家行手格。

雙錦瑟

爲黃公賦廿四夜

二十四番花信。春風便是良宵。秦樓弄玉夜深簫。引  
出鳳鞋輕小。也算天孫織女。月明鵲駕星橋。微風  
楊柳舞宮腰。怕是洞天清曉。

南歌子

東園兄

麥秀翻青野，江深漲白沙。  
綠荷新葢漾冰華，收拾琴書  
高卧是生涯。枕簟鋪涼月，  
蒲葵簇午霞。短牆紅綻石  
榴花，可是西隣山下箇人家。

南鄉子

咏竹

白日爲誰忙。穩卧蟬聲送夕陽。  
滿地玲瓏吹綠玉，過牆帶露，  
和烟覆草堂。微雨漾新涼，  
曉夜凝雲入翠房。似是湘娥  
多少淚，珍藏月落空庭，弄影長。

一剪梅

留黃公

閨餘六月雨初流。不是悲秋。也似悲秋。昨宵凭閣數  
江鷗。未是虛舟。也似虛舟。中原詞賦。夾曹劉。試聽  
伊州。再按涼州。水龍一調。振溟陬。雲抱江頭。烟轉山  
頭。

憶帝京

丙寅元旦

太平無事方清暇。人在黃農虞夏。萬國盡朝宗。火樹  
飄仙府。遙望帝城春。太史賡風雅。遍九陌東風。試  
馬。有多少。烏衣王謝。仙樂鈞天。尚方賜餽。正是傳柑  
分午夜。天外卻呼嵩。老醉牛羊社。



風入松 望信

北窗一枕夢難酣。白髮不須簪。何時忽聽金雞報。仙人駕飛上鸞驤。收拾杖頭雲水。高挑一片僧衫。又看螺髻遠堆藍。乳燕喜喃喃。雲開闔闔春猶近。憑天與一笑開緘。倘得餘生歸去。笠簑烟雨江南。

前調

芙蓉霜老得春酣。添色上花簪。幸頭白故人無恙。楊柳外纔送歸驂。卻笑曉風殘月。十年典盡青衫。披香宮殿染紅藍。乳燕謾呢喃。月明簾捲千山霧。看丹

鳳喚出雲緘。老我家山烟樹。不愁地北天南。

慶清朝慢

坐高觀山望大別晴川晚翠

楚苑銅駝。江東鐵馬。濤聲渙作春水。剩得蒼烟皓月。  
萬頃波澄。愛峰連黃鵠。趁投閒。攜屐興須乘。下山坡。  
牛羊夕照。鷗鷺江燈。轉瞬事難重憶。奈量沙增竈。  
風急如繩。隻手支撐半壁。捨我誰曾。慙愧書生掘管。  
銷兵後。甘老漁罾。英雄淚。撫今思古。獨杖枯藤。

漢宮春

春遊和韻

山閣苔青。看落花滿樹。香雪初乾。東風亂擁蜂蝶。無

語○凭○闌○春○歸○尚○未○卻○誰○來○玉○逐○吹○殘○清○陰○下○閒○題○宮○  
怨○佳○人○暗○拾○金○丸○乍○雨○初○晴○時○候○把○遊○春○士○女○付○  
與○旁○觀○翠○袖○輕○舒○纖○手○細○按○雲○冠○桃○腮○杏○臉○同○眸○處○  
腰○帶○微○寬○上○高○峰○天○風○吹○起○飄○搖○霞○佩○星○攢○

鬱金香

感舊

少○年○春○恨○不○曾○忘○膩○粉○口○脂○香○雙○綰○同○心○紅○縷○花○底○  
鶯○藏○一○捻○細○腰○迴○抱○訴○幽○情○湘○竹○動○清○商○卻○惜○玉○關○  
魂○夢○杳○憑○雁○寄○兩○三○行○別○鸞○離○鵲○淚○沾○裳○良○夜○未○  
渠○央○恨○煞○地○南○天○北○底○事○春○忙○誰○憶○玉○臺○人○去○卻○無○

端語燕度新芳。尚記錦箋書恨字。腸欲斷。寄檀郎。

前調 谷蘭和韻

月明枝上夜烏啼。默默數歸期。想到故園春色。別浦  
天低。怎得氣迴風轉。不眠人頻視夜何其。受露紫莖  
香暗送。看月上。小樓西。一樽傾倒不須悲。拈起玉  
簫吹。怕見薄雲濛樹。好月沉迷。我欲招魂水畔。執叢  
蘭除盡恨。長離覓得國香人。服媚尋野徑。向前蹊。

高陽臺 贈歌者

蟬噪花陰。鶴飛玉露。松風迭奏。笙簧雨過。先秋。楚天

新轉清商。看誰不假。勻脂粉。只芙蓉。冷浸紅裳。笑今日。知音甚少。惱煞中郎。冰心淨洗。濃粧壓人間。韋杜紅粉。蘇張鷺舞。鷗迴聊添。賀老清狂。欹枕何人空客夢。知別院。綠染絲長。似風帆。落霞秋水。蚤賦南昌。

石州慢

思親

白日無聊。空自行吟。墨華飛灑。那堪回首。愁城阻隔。看花開謝。黃梁一枕。夜來憑夢。消除醒時依舊游絲。惹儘嘔盡心肝。這離憂怎寫。堪訝白雲望斷。春草頻沉。淚如濤下。多似梨花禁雨。又遭風打。浮沉業海。

知道夢杳家山。問何心、隙駒過馬。便剖破藩籬。賦歸兮遲也。

洞庭春色

詠牡丹和韻

乳燕御泥。流鶯認樹。喚起催歸笑。誰腰金紫。攤書萬卷。何如一醉。彩鳳雙飛。采采祥雲飛欲下。想羽扇霓裳弄舞衣。愁如訴。似傷春又去。消減腰圍。歌出李郎謫後。莫夢着。又賜牙緋。向沉香亭裏。仙春館曉。遠山如畫。風入羅幃。喚罷宿醒人醒未。看夜靜。花深漏箭微。清平調。宛太真相對。且慰調饑。

前調 二十五日爲黃公招諸公小集

翠入簾櫳。香飄綺閣。秀色偏佳。更休愁暮雨。休愁夜  
月。孤山處士。醉倒流霞。廿四橋頭。明月夜。便雲擁笙  
歌。襯繡車。相看好。問采蓮溪上。是也非耶。彩鳳題  
成錦字。酒正和詩興。交加看鶯語。當歌燕衣雙舞。珠  
光無價。美煞情賒。他日扁舟江上去。說遙指桃源是  
妾家。明朝把那詞人月旦。付與裙釵。

沁園春 蘄簾和會侯

湘浦生烟。蘄春映雪。種出琳琅。美冰花鋪就。春天一

色○瑤○池○宴○罷○白○日○生○光○嫋○嫋○餘○寒○沁○人○玉○骨○千○里○勞○  
君○一○葉○將○今○宵○卧○勝○裴○航○玉○杵○一○椀○瓊○漿○天○空○欲○  
渡○無○梁○羞○祇○把○雲○山○作○故○鄉○看○江○城○桃○柳○綠○紅○將○半○  
汀○洲○烟○月○鷗○鷺○相○忘○有○箇○人○兒○冰○心○雪○質○收○拾○清○輝○  
玉○臂○涼○青○童○報○赴○日○高○花○睡○蚤○拂○繩○牀○



蔣京少

景祁

曰。詞於文章家爲一體。而今作者率

趨焉。縱橫凌厲。往往舉其全力赴之。固不必專  
尊詞人之詞。爲當行本色也。子星方伯。胸羅萬  
有。著述等身。近嘯傲東山。始作爲詞。與靳春顧  
黃公。白下李因兄。及家仲氏玉淵。吟詠無虛日。  
丁卯春。予過從於黃鵠磯頭。得問業焉。而惜瑤  
華集未及錄也。乃郵聶子晉人。俾刻之橫江詞  
已未刻凡五卷。顧黃公景星爲之序。茲擇其尤  
雅者云。

聶晉人先曰橫江詞格調俊逸聲致琳瑯能於閒  
遠秀脫之中寓其濃情麗語動人眉目出人意  
表卓然名世大家

名家詞鈔目錄

廬陵 聶先 晉人

纂定

長水 曾王孫 道扶

香膽詞

陽美 萬樹 紅友

垂楊

惜餘春慢

清平樂

隔簾聽

驀山溪

翠樓吟

望梅

浪淘沙

二調

二郎神

二調

滿江紅

淡黃柳

白亭

點絳脣

月華清

歸朝歡

望海潮

蝶戀花

十拍子

水龍吟

蘇幕遮

石州慢

齊天樂

水調歌頭

踏莎行

二調

最高樓

疎影

惜分飛

釵頭鳳

醉春風

摸魚兒

清平樂

浣溪沙

二調

西溪子

多麗

長相思

賀新郎

金菊對芙蓉

香膽詞

陽美 萬樹 紅友

垂楊

詠柳

飴○簫○餞○冷○早○謝○橋○過○雨○亂○花○紅○凝○兩○行○烟○斜○翠○綠○新○  
挂○鵝○黃○梗○吳○霜○糝○處○秋○蟬○暝○正○聞○說○西○風○薄○倖○又○依○  
依○倦○倚○春○眠○被○乳○鴉○啼○醒○依○舊○滄○波○綠○映○記○纜○解○  
麴○塵○夕○陽○蘭○艇○寶○鏡○桃○花○這○回○蘇○小○門○前○騁○誰○言○此○  
樹○宜○芳○景○最○能○敗○登○樓○人○興○須○教○斫○却○青○青○堤○上○影○

惜餘春慢

春怨

碎滴簷冷。重圍燈暈。耐盡一秋蕭瑟。聲來乍接。影去難尋。如夢曉雲無迹。離緒千絲萬絲。雖苦縈纏。未甘拋擲。寒珠啼欲倩。靈禽秦吉向伊低述。從別後。渺渺河山。恩恩冰雪。又到杏花寒食。潮驚仄枕。月逗疎篷。疑是那。人孤立。長憶紅亭酒邊。幾點參旗。一聲風笛。便如今。忘却當時。淒斷。怎生忘得。

清平樂

惜花

東風有暇。細逗庭花罅。趙落殘紅。龜網掛。惱得鶯兒欲罵。爲花無計留春。沉吟立盡花茵。不似一雙蝴蝶。

蝶○惜○花○飛○得○殷○勤○

隔簾聽

枕上聽鸚鵡念春眠不覺曉句

一○枕○故○園○殘○夢○纔○喚○枇○杷○了○窗○前○啼○晰○頻○呼○覺○是○翠○  
箔○深○深○雪○衣○小○小○恁○所○鬧○把○瞳○矇○曙○光○相○報○從○誰○  
教○襄○陽○詩○調○句○句○傳○都○好○聲○聲○只○念○春○眠○曉○料○因○風○  
雨○客○懷○添○惱○更○不○道○今○朝○落○花○多○少○

驀山溪

送友還山陰

西○堂○舊○雨○歌○管○玻○璃○照○纔○歇○翠○螺○樽○又○離○情○春○波○碧○  
草○鈴○羊○峽○外○風○亞○木○棉○紅○高○閣○望○暝○雲○低○江○濶○烟○帆○



小○身○愁○作○客○如○客○歸○期○早○不○等○荔○枝○甜○怕○家○園○楊○  
梅○過○了○灘○踰○十○八○珍○重○寄○聲○來○日○鑄○茗○石○帆○菱○休○忘○  
人○天○杳○

翠樓吟

感舊

密○樾○長○陰○幽○虫○不○語○悠○然○小○樓○人○靜○簾○疎○風○栩栩○粉○  
雲○起○瑤○天○催○暝○危○欄○孤○凭○共○燕○子○長○嗟○梨○花○多○病○離○  
愁○凝○蜨○葦○猶○在○少○君○難○倩○記○省○眉○案○當○年○正○酒○鴟○  
清○注○果○杵○香○飮○如○今○簫○玉○碎○伴○淡○夜○瑠○璃○紅○影○閒○情○  
灰○冷○怕○鏡○笑○潘○郎○爐○羞○荀○令○刪○吟○興○夢○餘○詞○好○誦○和○

誰聽

望梅  
梅子

暮烟聞笛。正細英剝。紛絳趺胎碧。慢結成幾點青圓。  
似葉底銜來。翠禽香粒。搏弄風輕。漸勻綻玉腮紅色。  
愛垂簷纂纂。欲傍鎖窓。枝重無力。肥黃又經雨裊。  
向水盤笑薦纖指。親摘便茂陵渴望金莖。想煮酒燈  
前。爲伊流液。腸斷江南。蚤占了楊梅盧橘。記桐陰舊  
事。戲採隔花暗擲。

浪淘沙  
落花

春色過清明。花事飄零。夜來風雨葬傾城。枕上淚流  
還似雨。太煞多情。曉起捲簾旌。撩亂紅英。滿街聽  
得賣花聲。我已傷心聽不得。況是黃鶯。

前調 喚荔枝

四載嶺南遊。未理歸舟。閒身只爲荔枝留。但得日嘗  
三百顆。長住端州。惟有水晶毬。能解饞喉。誰言內  
熱且須休。若爲荔枝成了病。也是風流。

二郎神 新綠

伯勞碎舌。被叫落。一天紅。早漸絳。剪輕趺。黃抽嬌葉。

掠○惹○蒼○烟○弄○曉○鴨○頂○波○痕○涵○芳○影○便○染○出○青○袍○如○草○  
知○渭○北○雨○餘○淮○南○春○後○翠○添○多○少○蘇○小○那○時○醉○倚○  
門○邊○花○笑○奈○乍○別○重○尋○麴○塵○金○鎖○一○逕○萋○迷○未○了○燕○  
去○錯○傳○蝶○來○驚○認○苔○色○粘○連○林○杪○還○幾○日○盡○做○清○陰○  
漏○月○滿○庭○難○掃○

前調

架○槐○時○竹○煉○整○片○碧○天○如○瓦○更○棟○子○風○粗○茶○蘚○雪○軟○  
一○色○裴○家○綠○野○誰○道○東○皇○相○辭○去○兀○住○在○青○青○庭○榭○  
從○反○舌○鳥○歸○扶○頭○人○醉○頓○忘○初○夏○籠○馬○章○臺○未○許○

長○條○牽○惹○怕○夢○醒○揚○州○翠○陰○垂○子○羸○得○樊○川○淚○洒○漉○  
酒○門○前○臨○書○菴○外○還○着○雨○聲○今○夜○應○也○伴○萬○里○靡○蕪○  
共○做○接○天○羅○帕○

滿江紅 野廟

居○士○何○人○住○江○岸○要○人○求○福○更○誰○回○苔○墻○鬼○擁○粉○泥○  
衫○幘○狐○窟○花○澆○村○酒○白○鴟○蹲○竹○照○神○燈○綠○有○金○花○娘○  
子○舞○婆○娑○歌○相○續○香○火○竈○鈴○旛○簇○雞○黍○會○篝○車○祝○  
或○將○軍○是○豕○大○王○爲○鹿○名○馬○寶○刀○春○雨○怒○美○人○香○草○  
秋○風○哭○倘○精○靈○憑○託○定○知○余○招○魂○曲○

淡黃柳 咏柳

霜清古岸。凋盡栖蟬葉。剪出東風寒未慰。欲試柔條  
尚短。初學宮黃。智瓊額。禁烟節。纔看舞新月。蜀眉  
淺。楚腰怯。勸行人馬上休先折。鶯也憐他。乍停還起。  
留與南園做雪。

白苧 聽歌西廂長亭折

千古來。一情字。掀翻不出沾泥絮。老久已將心作石。  
聽新歌。奈何頻喚。怎禁得從昔。這柔腸。怕見的離筵  
行色。黃花紅葉。偏對西風落日。何況他。昨宵剛是新。

婚夕詞筆惱煞王郎寫來如画一幅秋山送客賺  
幾許情人斷魂悲惜胸頭萬卷笑年來忘盡只留斯  
帙但向尊前脆管繁絃長是霑臆唱罷梁州五煞休  
重拍

點絳脣

愁來

天爲清明幾番排當梨花雨小樓風據麾散黃鸝語  
中酒心情欲遣偏無句愁來處可堪人去帆帶吳  
天絮

月華清

月中有感

甚墮紅毬。愀懸蒼綬。小庭春盡寒斂。移得交牀。試看  
藥娥光湛。插芳砌。鏡助花粧。漾碧照餅供魚。啖杯汎  
見金波影動。玉河烟淡。對此清輝抱感。記釧底秦  
簫。扇邊湘簟。一鑒羅衣長與。半床書占。十年在孤雁  
紗窗。幾處向亂雞茆店。門掩。又無言覓睡。鼠來燈暗。

歸朝歡

粵中春

颶母無聲天欲暖。開到扶桑春尚淺。爐燒香樹白羊  
祠。車裝爆竹青蛇殿。迎神簫鼓遍。芳柑社酒金花宴。  
正新晴。街心市角。紅展冶遊滿。南海眉娘身比燕。



門○駕○藤○與○垂○繡○憶○小○籠○濃○着○女○兒○香○輕○衫○窄○製○天○孫○  
絹○羞○處○自○掩○面○窺○人○微○露○蒲○葵○扇○忽○迴○廊○人○兒○認○得○  
前○夜○紡○場○見○

望海潮 閨情

棠○梨○啼○露○櫻○花○病○雨○傷○心○草○木○先○知○春○冷○不○忤○春○暄○  
偏○惱○都○來○春○不○相○宜○欲○訴○可○憑○誰○恨○晝○陰○難○遣○宵○漏○  
還○遲○打○起○啼○鶯○夢○兒○原○不○到○遼○西○行○人○只○在○天○涯○  
但○垂○楊○翠○隔○殘○照○紅○迷○歸○路○易○量○歸○心○莫○測○空○勞○打○  
算○歸○期○羅○帕○別○時○題○怎○舊○家○情○性○驚○地○更○移○性○好○更○

時○願○天○更○我○半○生○癡○

蝶戀花

春閨

催○喚○春○來○凭○小○燕○一○座○亭○臺○都○被○花○薰○遍○任○是○曉○窗○  
風○剪○剪○從○花○穿○過○寒○終○淺○欲○繫○繁○花○休○作○片○空○有○  
垂○楊○搓○就○黃○金○線○多○意○遊○絲○長○滿○院○閑○來○細○把○紅○英○  
纏○

十拍子

曉行

驚○起○鼠○聲○窸○窸○催○行○燈○影○幢○幢○緊○約○臂○圍○雙○袖○月○低○  
壓○眉○稜○一○帽○霜○連○雲○溪○路○長○續○夢○輿○中○易○破○尋○詩○

囊底多荒漸覺亂山迎面綠恰喜朝曦射眼黃壚頭  
蒸餅香

冰龍吟 宿清風店

去時楊柳依依我來搖落霜風颭桑乾橋外葫蘆河  
畔暮蟬聲慘景物何堪樹猶如此客愁誰念看鶉衣  
未改鹿裘如故惟添得黃塵染淚與露珠同落忽  
驚眸菊擎新艷柴桑何處舉頭惟見雁行鴉點明日  
重陽登高無我酒壇懽欠歎黃昏麥飯蛛絲鼠跡宿  
清風店

蘇幕遮

離情

彩○分○鸞○絲○撚○藕○且○盡○今○宵○且○盡○今○宵○酒○門○外○驪○駒○聲○  
早○驟○惱○殺○長○亭○惱○殺○長○亭○柳○倚○秦○箏○扶○楚○袖○有○箇○  
人○兒○有○箇○人○兒○舊○相○約○相○思○須○應○口○春○暮○歸○來○春○暮○  
歸○來○否○

石州慢

青衫嘆

一○領○青○衫○着○綻○又○縫○縫○了○還○綴○懸○來○鶉○結○裘○稱○鳳○尾○  
却○慙○貂○敝○燕○轅○楚○棹○已○經○幾○許○風○霜○關○山○塵○土○江○湖○  
水○猶○有○滴○殘○痕○爲○燈○前○清○淚○初○意○壯○遊○歸○去○會○郡○

襜帷茂陵車騎。寧料葛衣如故。袷袍誰遺。青衫休怨。但看着的人兒。年來骨瘁筋枯矣。何況這青衫是布兒縫底。

齊天樂

春閨

簷絲乍歇。朝寒淺。韶陽透來深院。壘燕譚辰。衙蠶旁午。爭說東皇春徧。條風試轉。把朱萼齊挑。翠茵排剪。獨勝愁人。黛痕雙葉不曾展。尋芳鄰女。早約艤青翰。杏浦細繡新換。屢訂頻更。頻行又輟。長被待兒嗔。嬾菁華易晚。問春正宜人。恁多幽怨。倘到春歸。怎生

閒過遣

水調歌頭 攬鏡

齋几乏明鏡。不自識吾顏。偶然驚見。誰道形影自相  
憐。少亦燈青竹簡。壯亦塵紅玉勒。酣嘯劃秋烟。蓄縮  
乃如此。偃蝸與暗蟬。眼生花。牙啓竇。耳鳴絃。古人  
四十強仕。如我尚中年。便不門盈車騎。竟至儲空僭  
石。攬鏡意茫然。起把鏡椎破。拔劍舞龍泉。

踏莎行 春日

柳碎風忙。花繁天小。烟光易過清明早。雨餘簾尚捲。

時○稀○病○前○書○已○攤○來○少○酒○向○春○疎○箋○和○愁○到○薰○衣○  
忘○却○香○焦○了○吹○簫○強○欲○和○啼○鶯○一○聲○飛○去○棠○梨○杪○

前調 秋懷

葉○下○星○窓○雁○橫○颺○館○便○淒○涼○煞○無○人○管○前○程○昨○夢○不○  
堪○提○素○顏○青○鬢○都○頻○換○寶○祿○香○存○綵○箋○音○斷○細○將○  
心○事○燈○前○算○三○年○有○半○爲○伊○愁○人○生○能○幾○三○年○半○

最高樓 閨詞

銀○塘○皺○風○捲○綠○差○差○簾○外○雨○猶○絲○春○駸○駸○去○啼○鶯○裏○  
人○垂○垂○卧○落○花○時○悶○原○拚○情○若○解○瘦○何○辭○繡○小○帶○

並頭花絡索。貯小合。叩頭垂剝剝。交贈處。肯忘之。好。  
憑十索。丁娘曲。試徵六憶沈郎詞。怎輸他。絲豆子。號。  
相思。

疎影 夜景

啼殘蜀魄。漸夕陽去也。堤樹烟積。燕子歸來。燈火初。  
明。簾鉤不住。風拍春慵。不耐尋針。快慢自把金爐香。  
炙向案頭。偶展緗函。檢得舊時書蹟。當日離情未。  
遠。有書尚寄。取如見顏色。人去臨邛。地變衡陽。直恁。  
全無消息。何心斗帳安眠去。但憑几。夜長人嘿。問恁。



時○呆○守○窓○兒○獨○自○怎○生○得○白○

惜分飛

蠡城別友

豆○酒○新○槽○花○露○滴○小○燕○橙○香○菊○色○離○思○誰○知○得○鯉○魚○  
橋○下○風○邊○笛○柳○外○疎○星○珠○歷○歷○獨○倚○烏○篷○画○櫂○明○  
月○能○相○憶○送○人○直○過○西○興○驛○

釵頭鳳

閨情

鬟○垂○絳○衫○移○鈕○一○春○閒○却○調○箏○手○風○簾○罅○燈○花○謝○金○  
錢○攜○向○小○窓○占○卦○下○下○下○新○豐○酒○章○臺○柳○問○他○猶○  
記○人○兒○否○從○前○話○題○羅○帕○柔○情○終○在○薄○情○難○罵○罷○罷○

罷

醉春風 心事

心○事○難○猜○度○肯○與○旁○人○覺○小○鬟○含○笑○戲○相○譏○着○着○着○  
多○少○遮○藏○被○他○窺○破○說○來○非○錯○兩○點○眉○兒○角○一○片○  
香○腮○托○此○中○看○出○最○深○情○惡○惡○惡○只○得○都○將○從○前○訴○  
與○怎○生○瞞○却○

摸魚兒 憶江南

不○曾○將○水○田○衣○挂○年○來○先○做○行○脚○無○端○一○汎○香○溪○槩○  
四○載○海○天○南○角○情○緒○惡○也○不○爲○敝○裘○長○鉞○愁○漂○泊○孤○

蹤○似○鶴○算○華○表○高○吟○青○冥○萬○里○何○事○向○矰○繳○頻○年○  
恨○每○到○新○春○倍○覺○東○風○應○也○猜○着○匆○匆○又○已○花○朝○近○  
依○舊○旅○懷○無○託○歸○去○樂○第○一○是○難○忘○鄧○尉○山○中○約○梅○  
花○萬○經○從○古○寺○橋○邊○尋○香○直○到○七○十○二○峰○閣○

清平樂

春閨

憑○闌○不○語○坐○看○春○歸○去○或○者○留○春○留○得○住○因○甚○全○無○  
一○句○曾○將○百○舌○問○關○要○將○春○色○遮○攔○百○舌○兒○先○  
反○愁○人○更○有○何○言○

浣溪沙

戲友

魚子蘭香曉露滋。起來移近繡簾絲。嫩黃初剪兩三枝。喚得雪兒教捧去。葵花小合豆青瓷。細君剛在罷粧時。

前調 夜景

浴起新圍寶裊輕。烏栖人靜夜無聲。手攜金鴨下階行。榆莢柔風薰珮帶。桐花斜月晒簾旌。誰人能遣此時情。

西溪子 別語

不是強君留却。只要問君歸約。到春深。寒食後。君來。

否來則盡奴杯酒。猶恐酒全傾。話誰聽。

多麗 春遊

好春光。那知都在村庄。賴今朝閒來領略。不然辜負。垂楊雨晴時。青添笏竹。風和後。紅到扶桑。小寺門斜。橫塘波溢。翠鳩飛處。插漁梁。北邙近。紙灰如蝶。歸去。素衣娘。如何遣。臯魚搯擘。苟粲沾裳。鎮三年征衫。着破。可堪猶滯蠻鄉。故人廬。桃花流水。家園夢。芳草殘陽。寶月臺邊。披雲樓外。漠江看似九迴腸。羨兒輩。紙鳶牽線。還有送書郎。爭教我一春無信。不要思量。

長相思 夜行吳江道中

蘇州城秀州城鴨嘴船兒葉樣輕，往來多月明。  
一條浜，兩條浜，夜半歌聲逐櫓聲。客愁無數生。

賀新郎 黃蘗

風味多清約，論和羹，獨堪調鼎。淡而非薄，釀出青黃，  
兼綠紫，嚼出宮商徵角。鹽與粥，儘誇精鑿，但看盤中，  
何所有。識其人，天下相憂樂，寧肉食，勝藜藿。曾聞  
有客歸泉漠，聽傳呼，椽曹詳檢，訝稱來錯。尚有黃蘗，  
三龕在，合遣生歸細嚼。把前件，定教銷却。我媿萬羊。

丞相祿算平生食料應多着須信是引年藥

金菊對芙蓉

弄色芙蓉初蕊將放時微黃次則全白久而漸作淺紅由淡而

濃日凡數變至成深紅而止且有一朶現數色者嫣然媚艷其亦花中之狡獪者乎

琰青招飲亭下醉後口占

雨浥疎英晴烘柔萼尊前艷冶初齊看鵝黃漸坼清  
映瑤肌須臾染粉爲輕茜更須臾濃染胭脂化工何  
處暗攜画篋塗抹芳姿庭下鴛菊稱奇怎如他幻  
出半面徐妃向高亭弄影屢屢更衣雪兒拍着紅兒  
笑笑群公也學花枝酒酣耳熱雙頤變赤不似來時

余曼翁

懷

曰紅友錦心繡腸。欽寄鎖碎。言情繪景。

別出新聲。俱前人所未經道。天驚石破。海立山  
飛。余未識其人。直欲生致太真。自拔其舌。

陳椒峰

玉璫

曰詞中如不等荔枝甜。怕家園楊梅

過了。共燕子長嗟。梨花多病。我已傷心聽不得。  
况是黃鶯。若爲荔枝成了病。也是風流鶯也憐。  
他乍停還起。留與南園做雪。三年有半爲伊愁。  
人生能幾三年半。問恁時呆守窓兒。獨自怎生  
得白。句句字字。在人心窩裏。人却道一字一句。



不出。

聶晉人

先

曰。選詞將竟。忽得香膽詞付鈔。不覺狂

喜。當以生平從未贈人絕妙好辭四字相贈。但  
詞中有纖新妙句。極類涪翁。足見文人錦心繡  
口。吾聞昭中稱先生詞如初日芙蕖。光艷奪目。  
如天衣無縫。自然成章。信然。